

**BOSNA I HERCEGOVINA**  
Federacija Bosne i Hercegovine  
Tuzlanski kanton – Općina Živinice  
**JAVNA USTANOVA OSNOVNA ŠKOLA**  
**“BAŠIGOVCI” U BAŠIGOVcima**  
Broj: 01-362/20  
Dana, 17.3.2020. godine



- **MINISTARSTVO OBRAZOVANJA  
I NAUKE TUZLANSKOG KANTONA**
- **SLUŽBA ZA ZAPOŠLJAVANJE TK-a**

**Predmet: ZAHTJEV za objavu konkursa  
za izbor i imenovanje direktora škole.-**

U skladu sa članom 105. Zakona o osnovnom odgoju i obrazovanju (“Službene novine Tuzlanskog kantona”, broj: 9/15, 6/16, 14/18 i 14/19), dostavljamo Vam konkurs za izbor i imenovanje direktora Javne ustanove Osnovne škole “Bašigovci” Bašigovci – Živinice.

Skraćeni konkurs objavljen je danas (utorak, 17.03.2020. godine) u dnevnom listu “Dnevni avaz”.

Molimo Vas da integralni tekst konkursa koji dostavljamo u prilogu akta objavite na web stranici ministarstva i oglasnoj ploči službe.

S poštovanjem!

**Prilog:**

- **Konkurs za izbor i imenovanje direktora  
broj:362/20 od 17.03.2020.godine  
(integralni tekst)**

Dostavljeno:  
2 x naslovu  
1 x a/a



**VD DIREKTORA**

*Idaim Trumić*  
**Idaim Trumić, prof.**

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JU OSNOVNA ŠKOLA „BAŠIGOVCI“**  
**Bašigovci - ŽIVINICE**  
**Broj:02-361/20**  
**Bašigovci,17.03.2020 godine**

Na osnovu člana 105. stav (1) Zakona o osnovnom odgoju i obrazovanju („Službene novine Tuzlanskog kantona“ broj: 9/15, 6/16, 14/18 i 14/19), Kriterija o utvrđivanju uslova na osnovu kojih se vrši izbor i imenovanje kandidata za direktora osnovne škole čiji je osnivač Skupština Tuzlanskog kantona („Službene novine Tuzlanskog kantona“, broj: 11/14) i Odluke Školskog odbora o raspisivanju konkursa za izbor i imenovanje direktora JU Osnovna škola „Bašigovci“ Bašigovci – Živinice, broj:02-243/20 od 24.02.2020.godine, raspisuje se:

**K O N K U R S**  
**za izbor i imenovanje direktora**  
**JU Osnovna škola „Bašigovci“ Bašigovci, Živinice**

Raspisuje se konkurs za izbor i imenovanje direktora JU Osnovna škola „Bašigovci“ Bašigovci, Živinice na mandatni period od 4 (četiri) godine.

**Opis poslova**

Direktor škole rukovodi školom i obavlja i druge poslove u skladu sa članom 108. Zakona o osnovnom odgoju i obrazovanju („Službene novine Tuzlanskog kantona“ broj: 9/15, 6/16, 14/18 i 14/19 ) i drugim važećim propisima kojima su propisane nadležnosti direktora osnovne škole koje imaju status javne ustanove, odnosno kojima je uređen sistem rukovođenja javnim ustanovama osnovnog obrazovanja na području Tuzlanskog kantona.

**Opći uslovi**

Kandidat za direktora škole mora ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava BiH,
- d) da nije osuđivan za krivično djelo,
- e) da nije kažnjavao iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole.

**Posebni uslovi**

Kandidat za direktora škole, pored općih uslova mora ispunjavati i sljedeće posebne uslove:

- a) da ima najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja,
- b) da ima pet godina radnog iskustva poslije sticanja odgovarajuće stručne spreme na poslovima nastavnika ili stručnog saradnika škole,
- c) da ima položen stručni ispit za samostalan rad na poslovima nastavnika ili stručnog saradnika škole,
- d) da ima program rada i razvoja škole za period na koji se imenuje direktor,
- e) da nije član izvršnih organa političkih stranaka,

- f) da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- g) da nema direktan finansijski ili drugi lični interes u JU Osnovna škola „Bašigovci“ Bašigovci, Živinice, koji bi mogao dovesti do sukoba sa njegovom dužnošću direktora,
- h) da nije pravosnažno osuđen za neko od krivičnih djela iz člana 84. stav (1) Zakona o osnovnom odgoju i obrazovanju što ga čini nepodobnim za rad sa djecom, da nije kažnjavan iz oblasti privrednog prestupa, da mu nije izrečena zaštitna mjera zabrane vršenja poslova direktora, nastavnika ili stručnog saradnika škole ili koji u mandatnom periodu stiče uslove za odlazak u penziju shodno odredbama Zakona o radu,
- i) da nije u posljednje četiri godine zbog svoje krivice bio razriješen dužnosti direktora neke od odgojno-obrazovnih ustanova,
- j) da nije obavljao dužnost direktora u dva uzastopna mandata u istoj školi u kojoj konkuriše za direktora.

**Za direktora škole ne može biti imenovano lice koje ne ispunjava opće i posebne uslove konkursa.**

Prilikom prijavljivanja na konkurs kandidat je dužan dostaviti dokaze o ispunjavanju svih uslova (općih i posebnih), odnosno dokumentaciju (original ili ovjerene kopije ne starije od 6 mjeseci):

1. Prijava na konkurs koja sadrži kraću biografiju,
2. Dokaz o stručnoj spremi,
3. Dokaz o položenom stručnom ispitu za samostalan rad na poslovima nastavnika ili stručnog saradnika,
4. Potvrda/uvjerenje o radnom iskustvu, izdata od strane škole, da ima najmanje pet godina radnog iskustva na poslovima nastavnika ili stručnog saradnika škole poslije sticanja odgovarajuće stručne spreme,
5. Program rada i razvoja JU Osnovna škola „Bašigovci“ Bašigovci, Živinice, za period na koji se imenuje direktor,
6. Uvjerenje o državljanstvu,
7. Uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole,
8. Ovjerena izjava kandidata da se na njega ne odnosi član IX stav (1) Ustava BiH,
9. Ovjerena izjava kandidata da nije član izvršnih organa političkih stranaka,
10. Ovjerena izjava kandidata da nema direktan finansijski ili drugi lični interes u JU Osnovna škola „Bašigovci“ Bašigovci, Živinice, koji bi mogao dovesti do sukoba sa njegovom dužnošću direktora,
11. Ovjerena izjava kandidata da nije osuđivan za krivično djelo,
12. Ovjerena izjava kandidata da nije pravosnažno osuđivan za krivično djelo koje ga po članu 84. Zakona o osnovnom odgoju i obrazovanju čine nepodobnim za rad s djecom,
13. Ovjerena izjava kandidata da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
14. Ovjerene izjava kandidata da nije u posljednje četiri godine zbog svoje krivice bio razriješen dužnosti direktora neke od odgojno – obrazovnih ustanova i da u mandatnom periodu ne stiče uslove za odlazak u penziju,
15. Ovjerena izjava kandidata da u JU Osnovna škola „Bašigovci“ Bašigovci, Živinice nije obavljao dužnost direktora dva uzastopna mandata,

U slučaju potrebe na zahtjev škole kandidati su dužni dostaviti i drugu dokumentaciju kojom dokazuju ispunjavanje potrebnih uslova za izbor i imenovanje na dužnost direktora škole.

Pod ovjerenom izjavom podrazumijeva se izjava ovjerena od strane nadležnog gradskog ili općinskog organa, odnosno izjava ovjerena od strane notara.

Kandidat koji bude imenovan za direktora dužan je prije stupanja na dužnost dostaviti :

- Ljekarsko uvjerenje nadležne zdravstvene ustanove (ne starije od 3 mjeseca) i
- Izjavu ovjerenu od strane nadležnog organa o odstupanju sa pozicije predsjednika ili člana Školskog odbora ukoliko je u tom momentu obavljao navedenu dužnost.

Nakon provedene konkursne procedure, Školski odbor vrši izbor i imenovanje direktora škole na period od 4 (četiri) godine, uz prethodno pribavljeno pozitivno stručno mišljenje Pedagoškog zavoda Tuzlanskog kantona i prethodnu saglasnost Ministarstva obrazovanja i nauke Tuzlanskog kantona, te vlastite ocjene dostavljenog Programa rada i razvoja škole za period na koji se imenuje direktor. Kandidat koji nije dobio saglasnost nadležnog Ministarstva ne može biti imenovan za direktora škole.

O rezultatima konkursa kandidati će biti pismeno obaviješteni u roku od 8 (osam) dana od dana donošenja Odluke o imenovanju. Odluka o imenovanju direktora škole je konačna.

**Konkurs ostaje otvoren 15 (petnaest) dana od dana objavljivanja u dnevnom listu „Dnevni avaz“.**

**Nepotpune i neblagovremene prijave neće se uzimati u razmatranje.**

**Prijave na konkurs, sa traženom dokumentacijom, dostaviti lično na protokol škole ili putem pošte, preporučeno, na adresu:**

**Javna ustanova Osnovna škola „Bašigovci“  
Bašigovci bb - 75 270 Živinice**

**Sa naznakom: (Konkurs za izbor i imenovanje direktora osnovne škole „Bašigovci“  
Bašigovci, Živinice – NE OTVARATI)**

**Predsjednik privremenog Školskog odbora**

**Sabahudin Hodžić**

